

33avel Top Pop Rumantsch

■ (rtr) Il 33avel Top Pop Rumantsch è ina vaira trovaglia da stad, la ballada «Jamie» dal trio grischun Tawnee. Il Top Pop Rumantsch vegn preschentà per l'emprima giada oz gievgia, ils 18-07-2013 en l'actualitad da mezdi dal Radio Rumantsch.

Il trio grischun Tawanee

La muntogna tranter Tavau e Scuol na saja gnanca uschè auta – ins enconuschia in pau las bands viceversa, manegian *Andrea Frey*, *Elias Tsoutsaios* e *Janic Sarott*. Ed uschia è naschè il trio tranter las duas vals, il trio che sa numna en moda exotica Tawnee, la scripziun anglifitgada dal num «Toni», il segund prenum d'Andrea. La band è sa scuntrada avant in onn, e damai ch'ils trais èn repartids studegiond per la Svizra enturn – Andrea mercantil a l'Universitad da Son Gagl, Elias publicistica a l'Universitad da Turiatg, Janic batteria a la Scol'auta d'art a Turiatg – n'è la situaziun dad exercizi betg dal tut optimala: in pau qua, in pau là. Ma quai na restrenscha strusch la qualitat musicala, anzi, ils Tawnee briglieschan cun in tun fitg omogen, oscillond tranter la vigur dals Muse e la fragilitad dal nov folk transatlantic. Zunt delicata la ballada ch'ils trais ventginards han proponì sco nov Top Pop Rumantsch, la chanzun d'in'amur vana, adressada ad ina «Jamie» misteriusa. Elias e Janic han traslatà l'original englais en vallader, confermond qua tras il ferm potenzial popmusical da l'Engiadina Bassa.

Jamie

*Ve char no giain davent
Davent da qua
M'algord cha Jamie ha dit
Quella jada*

*Nouv mat plü bel sco eu pigliess meis lö,
eu füss sulet*

*Be cun meis cour in man füss
sco povret yeah*

*Jamie ingiona e piglia meis cour
our dal muond
Dal muond
Ma Jamie po far cheu rest qua
e nu vegn perdonnd
Perdonnd*

*Previsibla e speciala precis quai
cha tü voust
Usche naiva e chara cun duos peis
sül fuond*


*Pudain ir in mincha lö, dalönch davent
o be dastrusch
Ma ingio precis nu disch mai*

*Jamie ingiona e piglia meis cour
our dal muond
Dal muond
Ma Jamie po far cheu rest qua
e nu vegn perdonnd
Perdonnd*

*Jamie eu d'eira pront da dar a tai meis nom
Scha tü am vessast dowvra füss eu
stat teis hom
Sast tü Jamie ch'eu n'ha differents
sentimaints
Jamie di a mai che fetscha cun
quist mumaint*

*Jamie ingiona e piglia meis cour
our dal muond
Ma Jamie po far cheu rest qua
e nu vegn perdonnd
Jamie ingiona e piglia meis cour
our dal muond
Ma la nu da inavo quai chi tocca i'l corp*

*Jamie fa il bain
Fa il bain sta davent
Davent da mai*



Andrea Frey, Elias Tsoutsaios e Janic Sarott.